

宋

會

要

應歸赦宥
類

全唐文

宋會要

淳熙十四年二月二十七日詔婺州蔭婦阿徐特送鄰
州編管婺州獄勘阿徐為顧主楊佃被人力陳山童殺
死山童父陳十六從佃家前經過阿徐為憤其子殺害
顧主用棒行打陳十六左脇身死法當絞刑部奏以阿
徐既能忘身為顧主復讎即與尋常毆鬪不同忠於顧
主其節可嘉故特貸之

宋會要

鄉兵

真宗咸平五年正月侍御史吳清言奉詔與陝西轉運司點緣邊丁壯充保毅軍凡男六萬八千七百七十五人已給資糧詔令分郡支五月詔集近京諸州丁壯選隸軍籍是時西北邊屢請益云輔臣請以河北疆壯選充帝曰河北河東之民取而為兵數已甚眾前置疆壯時諭以永不充軍今一旦藉之是失信也呂蒙正等言關兵非取於民不可請於河南諸州籍丁壯量數抽取帝乃曰如此必有騷動然戍兵未充衛士尚少不得已也卒從之七月詔邊防未定遂募鄉兵離去故土

足傷和氣應請黜充疆壯戶稅賦止令本州諭納有
司勿得支移 景德元年正月詔河北諸州先所募強
壯自今或逃亡吏不添補先是帝謂侍臣曰昨日成倫
自河北來言磁州點集疆壯簡闕且河朔之民豈得無
故違擾樞密使王繼英言近日磁州奏疆壯有逃亡者
恐不及願故再有追集帝坐令止之故有是詔 九月
五日詔河北河東州軍調集疆壯訓練之 二年正月
詔河北諸州疆壯除瀛州城守得功人令第其等級以
聞餘並遣歸農 四月并代總管司言廣稅死軍人老
疾者須親屬代名乃得除藉為民請自今應本土居人
雖非親屬而願代者亦聽從之 大中祥符二年二月

詔河北諸州疆自今每歲十月至正月以旬休日召集
校閱免奪農時 六年帝謂樞密院王欽若等曰河北
校閱強壯自北鄙罷兵之後尋令逐州並依常於農閑
時教閱蓋不忘兵戰而使其習以為常若絕而復行契
丹必生疑慮昨日見趙州奏稱准宣命教閱可密諭此
意及詰其不奉詔之由 四年十月詔河北忠烈宣勇
軍士本自戶籍選置其老疾者許名人承補即聽歸農
如聞補者逃亡官司復取歸農者充役此甚無謂自今
禁之 五年七月二十一日詔河北河東忠烈宣勇廣
銳軍士自今老疾者即歸農無勒召人承替其闕員並
自京差補 六年四月九日詔雄霸州所調鄉丁為忠

順軍指揮戍於河上歲月既久宜特遷補 九年十月
知秦州曹瑋等言本州先管保毅六指揮共三千人後
教四指揮歸農緣皆土人諳識番情便習射藝况今邊
戶夾名并本管人員見在欲乞勾點教閱雖備非時防
托樞密院檢會 景德二年以秦州保毅義軍三千人
自來分番邊寨守把甚有貧困不諳練之人費耗家產
祿廩遂令選留少壯會武藝而家產者千人外並放歸
農自後知秦州王承衍楊懷忠等累奏自揀留保毅千
人以來多相決射及受雇替名逃竄難為拘管兼河民
學武藝惰農業實無濟用乞並放歸農令樞密院王欽
若以此諭瑋等北來軍兵數多民毅前後累經相度看

詳以聞 天禧元年十月詔河北河東忠烈宣勇兵士
有老病揀給半糧者自來令人承替如聞多是貧獨無
力召人宜令轉運司自今有如此類及不給錢糧者逐
處保明放停所少兵士並依本城例招補 仁宗天聖
五年三月臣僚上言者稱秦州保捷五指揮人內有年
老及十年以上者曾揀選者詔就差陝西同提點刑獄
崔淮揀選其十年以上不曾揀選兵士令提點刑獄司
及秦州分併因依聞奏 八月詔河北河東自今見在
強壯身亡并老疾不在充應者本家別差一丁承填除
依常例修完城壘外非時不得勾集差使 十二月前
河北轉運司周好問言河北河東強壯身死並年高殘

疾及見今單獨不任充應者令本家別差一丁充填若無餘丁並於本村別戶差選從之 景祐二年五月詔施州義軍如聞多雇人代戍既不時教閱復私加役使其令監司察視違者以私役兵防論 寶元三年二月八日中書門下言累據臣僚上言請令諸州強壯教習兵戰以備征役從之 十一日詔陝西州軍已差轉運使張存等點集強壯宜令安撫使韓琦等徧行撫諭無致驚擾其應蠲免事件規畫聞奏及今存琦慰諭所差強壯止本土防守城池不差他處 康定元年三月詔陝西所募強壯止留捍守城池毋得遣戍邊 四月詔河北都轉運使姚仲孫緣邊安撫使高志寧密下諸州

軍添補強壯和知制誥王拱辰言昨奉使時聞契丹不
畏官軍而畏土兵蓋天資勇悍鄉閭之賊人自為讖不
費糧廩坐得勁兵宜速加招募而訓練之故有是詔

二年七月陝西都總管緣邊招討司言准降下鳳翔府
通判張履奏近邊州軍鄉兵弓手應三等戶以上暨向
下有及四丁以上者並不限十月初正月終但遇邊上
有事宜葉急便許府郡勾集防護乞如所請如不足更
於向下有物力弓手內勾抽才候賊退却放歸農是
月二十六日詔比置宣毅指揮以防守城池其先所增
弓手於第二第三等戶內選壯勇者益舊額兩倍每五
十人置節級一名餘悉放歸農十月廊延路兵馬都

此節載宋史
兵志兵四陸西
保毅下

監种世衡請募青澗城土丁不刺面別名為一軍從之
慶歷元年二月中書樞密院言欲委逐路總管等於
本處職員內擇有行止人令募近邊土人立充護塞指
揮立在鄉村教閱武藝遇有事宜勾集使喚從之 二
年五月詔地者以河北河東弓手為軍蓋欲知鄉川道
路服習耕戰而諸遊冗之人皆願雇代人入籍其非正
身者一切罷之 閏九月詔河北路義勇鄉兵死而其
家有丁壯者令逐處選填之 十一月詔秦州六縣保
毅指揮自今如敵私役者以計農律論初涇原路都總
管程戡言陝西諸路舊有保毅不知所置時遂指揮不
計人數元不刺手面父死于承籍不可脫原其初置之

意蓋欲緩急集捍邊陲近年唯充州縣夫役無復責以
武藝比經點刺為保捷軍而家猶不充保毅之籍今皆
孱弱下戶既應役不任即折賣田產所買之家以分數
助役至五十家共負一夫之役臣昨在秦州見此輩每
新材伐薪修城築堤未嘗暫息以至就傭日不下二三
百錢加有都將飲率誠可矜念况諸路已有鄉兵沿邊
又有箭手請並罷保毅指揮下陝西都轉運使議經久
利害而永興軍通判邵良佐言陝西保毅軍舊制通過
上有警暫集以守城事已則放歸農今廊延環慶涇原
三路則不占它役獨秦州賊馬未嘗至境其保毅四指
揮僅三千人常供役本州貧瘁之民久廢農業乞朝廷

重約束之故降是矣

六年六月二十七日知并州鄭

戡言本路義勇鄉兵昨因明鑄摩動乞今後相度邊事
或勾或放今經二年不曾教閱慮因循惰廢武藝乞下
經略司每歲九月農隙之際分兩番教多處分田苗番
於本縣教閱半月遼州軍史教半月放歸田里從之
嘉祐七年六月同判都水監張鞏言前為河北轉運使
所部辰鼎澧三州有係籍二丁習知山川險易之處而
不習戰閱之事請下鈐轄轉運司每歲冬初集本州教
閱一司令戍管下諸寨堡減北兵歸京師其技高者戍
日少次者戍日多下者倍之仍免其戶下科調人給口
食二升其技之尤高者還補之從之

神宗熙寧二年

十月二十一日知滄州李壽朋言乞將本州及乾寧軍界河之南低下經河水淤澱之地不起租稅每二頃招強壯堪征役一名充為寨戶如願養馬更給地五十畝只隸諸寨更番戍守所置將寨兵仗刺手之法並依義勇條例施行詔以強壯為名仍令河北安撫使司應有合行處置事件相度施行訖奏三年正月廣南西路經略安撫轉運司言土丁每年冬勾赴本路教閱次年赴州並一月放散有妨農務已令諸州用十一月從之八月荆湖北路都鈐轄轉運司言辰州舊用土丁二千分作三季入寨防托每季計差六百人今以江南銅安龍門漫水叙浦等處閑漫地可減百人仍展為一

季所貴人得蘇息不妨農業省減祿廩從之 七月二
十六日澧州言奉詔與保毅更不勾追應役只令一名
納錢三千緣保毅充置年深多本戶下下各戶貧民沿
邊納已前餽土人並願且依舊應役左使更不納錢詔
本名合納錢三千更與減一等咸平五年益都遷叛西
陲用兵遣侍御史吳備與陝西轉運司測緣邊丁壯充
保毅軍凡得六萬八千七百餘人給資糧與諸軍分戍
保毅之名自此始也治平刺陝西義勇環慶路保毅並
撥充義勇鄜延路或揀為義勇餘仍舊秦鳳涇原路下
應役止的虜賊民頗苦之故有是詔 十二月知定州
滕甫言中國兵數之兵常多寡之不敵蓋中國兵有

定數至於平民則素不知戰戰夷狄之俗人人能戰舉國皆兵此其多勝也今河北州縣近山谷處民間各有弓箭社及射獵等人戶習慣便利與夷人無異欲下本道遼州縣並令募諸邑公人及城郭鄉村百姓有武勇情願學習弓箭自為之社每年春時長吏就其射處觀誘閱試之況北人其俗勁悍性亦果為緩急雖不可調發亦足以防守從之 七年六月二十六日尚書兵部言廣南東路轉運司中廣南東西路槍手土丁內第四等至戶有三丁者以一丁為土丁揀人材壯健者充及立正副都頭使副都頭各分番勻赴州教試支與錢米等事本司檢會本路十四州唯廣惠循潮南恩五州已

奉詔共置槍手一萬四千餘人只是鄉者遞相推排不
拘等第主客人戶或招名不足即於本屬分差填其第
三等以上免本身役四等以上免役當何如也所有都
分將軍只自副都頭以上除將所置槍手於在州教閱
外縣委令佐或差官以教事畢放散詳此只說於第四
等以上主戶有三丁者以一丁為土丁未委一戶有六
丁者合取二丁或戶有九丁者取三丁為復今戶內但
有三丁以上者只取一丁以此未敢編排其第五等舊
條槍手人數已行放落外有九州元無槍手只新定保
甲每戶二丁以上取一丁充保丁即未委重行排定槍
手或更不置立今槍手是三人者保甲是兩丁以上即

不知槍手一戶六丁以上或保甲四丁以上合又差一
丁及已係排槍手人戶尚無更排保丁已否本部勘會
若依義勇條例其第四等以上主戶每三丁合取一丁
為土丁又緣元降詔旨只言第四等以上主戶有三丁
者以一丁為土丁及自來無土丁州軍合與不合差點
詔令逐路經畧安撫轉運司據元管槍手土丁人戶依
義勇例廣南東路每三丁差一丁充槍手廣南西路每
三丁差一丁充土丁其自來無土丁槍手州軍即更不
差置 八年十二月二十二日詔廣廣西路選募少健
丁壯三二千守邕眉等州城不足即於土丁內揀選
九年正月六日詔廣南西路經畧轉運應控扼州軍并

修城去處土丁並支與錢未修城者仍分番赴役內不
當控扼去處即依條教閱滿一日罷 十年七月十七
日詔應民兵戶內餘丁若歸明人子孫官戶客戶女戶
有男夫同居者依有丁例單丁戶探事人戶河北沿邊
弓手戶并免丁之人並令附保 元豐元年十一月二
十八日荆湖南路安撫使謝景溫言相度轉運司乞以
邵州武岡等縣保丁於界上置鋪堡其已發往闕硤等
寨弩手並就本縣差填所置鋪堡望辰州界並在百里
內欲許保丁依條置器甲以備保聚教習皆便從之非
蠻界百里者不用此法 二年十一月二十八日前權
廣東提點刑獄許懋知賀州王諤言詔英南雄連賀端

康封新九州宜依廣惠循湖南恩五州例於四等以上
主戶三丁取一為槍杖手從之 四年正月二十一日
詔河北河東陝西見訓民兵不日什長藝成當推行開
封府界團教之法其所須錢糧設官吏從此準畿縣取
索會較未知及期能辦與否若吏遷延恐不能以時舉
可依府界近例令樞密承旨司取索會較 七月十八
日詔三路見教民兵第一番除澶澤陝州已有指揮外
據狄諾等奏並已教成若久不按試不唯枉費錢糧兼
妨它州起教第二番及轉教之法卒不得頒降宜差天
章閣待制判尚書兵部趙高文思使文州刺史內侍押
班李舜舉依開封府界已引見格逐一按閱推賞仍差

入內東頭供奉官宋鼎臣高品劉友端充承受兼監視
按閱 五年九月二十三日詔應緣民兵事悉隸兵部
六年六月四日廣西經畧使熊本言知宜州和斌通判
豐稭相度宜州思恩天河河池龍水等縣所管二萬七
千餘人遇有賊盜緩急可以追呼兼晉義德謹思立鎮
寧四寨控制蠻出入路欲令所屬編排土丁分作都分
除逐隘舊防托土丁外各增三十人其非防托者遇有
盜入省地並許緣邊縣及州追呼遣人部領會合捕殺
從之 七年四月六日福建路轉運使賈青言昨提點
江西刑獄編排虔州諸縣槍杖手立額依保甲法歲一
按閱民以為便江西一路可以推行詔下本路依虔撫

州建昌軍等處見行法 五月十一日詔辰州土丁屯
守城沅州每十人兼願歸明人四人從荆湘路相度公
事孫覽請也二十一日詔明州昌國西監巡檢司招土
兵百人於明州崇節指揮除其數以鈐轄司言昌國西
監岱山鹽場控扼海道也 哲宗元祐元年三月五日

樞密院言修定監司按土兵賞格從之 十二月二十
六日詔熙河蘭會路住營土兵二十指揮存留一十二
指揮本路住營移八指揮於秦隴州鳳翔府置營以益
邊物價踊貴故也 二年五月二十八日瀘南沿邊安
撫使司言請應瀘州界土人因邊事補授班行自出備
土丁子弟在本家地方把扼之人並循久例把扼邊界

更不與請給亦不理為資任磨勘改轉若別有勞績戰
功并被差入夷蠻界合該推賞自繫臨時奏請息旨其
敢邀功生事根究得實並不用蔭贖特行決配廣南遠
惠州牢城從之 三年二月十四日詔廣南西路兵民
第四等以上戶兩丁第五等戶不以丁多寡及東路不
以戶等高下並免教 四年三月二日詔融州管下舊
係皇祐勅差置全家成丁係籍之戶每年遇教閱並三
丁抽一丁兩丁之家亦抽一丁赴教單丁者即二年一
赴外戶內餘丁依舊存留係籍以備邊防更不教閱從
廣西經畧司請也 七年正月二十五日荆湖南路兵
馬鈐轄謝麟言乞依舊制於邠州邵陽武岡新化等縣

中等以下戶選充土丁孳手與免科役七年一替排補
將級不拘替放年月分作兩番邊寨防托不得雇人每
遇上番依禁軍例教閱武藝及專習木營如妄有役使
並依私役禁軍法從之 紹聖三年三月十六日詔廣
南東西路槍手土丁依照寧舊法一年縣教一年上州
以樞密院言元祐以來罷上州法處因此漸成廢惰故
有是詔 四年二月四日詔淮南東西江南東西路巡
檢並依舊法全招置土兵 元符元年四月十三日詔
南安撫司言瀘州義軍乞於十月農隙之際赴所屬犒
設以便夷衆應推排到義軍職級亦乞委自本司出帖
每年合支末物乞據數給與逐處義軍職級庶幾均被

恩賜從之 二年六月三日環慶路總管司言屢秦慶
州白豹城軍係控扼處全藉土兵戍守合添置住營馬
步軍二指揮從之 三年三月二十七日樞密院言京
西路安撫提刑司奏乞依元豐五年詔巡檢司全置土
兵仍須招有戶籍或有主戶一名保住者 徽宗建中
靖國元年二月八日詔有邊事寧息減放秦鳳路土兵
大觀三年六月二十七日詔諸處捕盜巡檢下兵士捕
捉不行多是逐縣弓手捕獲可令諸縣各增置弓手小
縣一十人中縣十五人大縣二十人其役錢令數出
政和六年六月四日詔諸縣尉司招置弓手不許上三
等人戶役充近來往往作弊計會縣官漫不省察致使

下等人戶承帶備下夫役支移科買等以至破產自今
上三等入戶輒敢計會投充者每名立賞錢三百貫文
許人告以犯人家財充賞行官吏本保正副依條科罪
不以去官赦降原減其見今冒役之人仰逐路提刑司
指揮州縣並行改正自首特與免罪 十二月七日詔
河北路有弓箭社縣分已降指揮解發異等所有逐路
縣令佐候歲終教閱了畢仰帥司比較每歲具最優最
劣各一縣取旨賞罰以為勸沮仍著為令又高陽闕路
安撫使司奏准大觀三年十一月內朝旨弓箭射人依
保甲法推賞准政和保甲格比較最優縣令佐各減磨
勘三年巡檢減磨勘二年最劣縣分令佐各磨勘三年

巡檢磨勘二年若到任不及半年應賞罰者並減半即
不經管勾聚教者不在比較之限詔弓箭社準保甲格
賞罰施行 十八日朝請大夫許穀奏本朝隲保甲於
西北籍槍杖於東南深得寓兵於農之意竊見東南諸
槍杖手籍多至于員下不減數百其間係籍經年沒失
稽考至疲瘵力竭而莫或檢視事藝日退而未嘗審察
名編於籍而人實不存每遇歲終按閱始行追呼旋驅
遊子代名充數望申勅州縣嚴加括責詢訪少壯通習
事藝之人重加較試籍記姓名年甲預為之備從之
宣和元年十二月二十九日詔四川自討蕩晏州並綿
茂作過蕃部之後開斥土疆建置城寨接連蕃界全籍

土兵以備戰守應成都府等路土兵可依陝西河東法
除訓練官得差破外餘並不得役使接送鈐轄司檢察
季具有無違戾申樞密院 三年六月十四日詔福建
路槍杖手依元豐法隸提刑司 七月二十四日兵部
言熙豐間民兵總籍幾至百萬而京畿三路保甲不與
焉近因江西漕臣請本路槍杖手元豐七年以八千三
十五人為額至元祐中減罷七千一百四十二人元符
間雖嘗增立人數比之元額猶減七分乞詔諸路監司
帥臣並遵熙豐舊制補足元額并後來損益之因與今
日增闕之數歲中本部按籍檢察從之 十一月十二
日詔近降指揮弓手依元豐法募上三等人戶候召募

到入方得替罷訪聞官司奉行苟且其見存之人計屬
障欄至今歲餘未見抵替了當可立限一季須管數足
監司廉訪使者候限滿覺察以聞應重法地分准此
六年五月一日中書省言勘會巡檢下招置土軍自來
不給口券止於本寨月糧內零碎并合令人櫛存隨行
以充口食既將帶不多則沿路必致飢餓逃竄作過緣
此巡檢雖出不過旬日便回多不適由地界警捕欲巡
檢應管兩縣以上或都巡檢並於所屬州先次出給差
帶兵人都口券一道付逐官拘掌每遇出巡捕盜即抄
上所帶的實人兵姓名月日於所倉驛每人每日支借
口食本色米豆二升應付逐日喫用候回日尅納其券

一年一易繳赴所屬驅磨從之 七年二月十四日臣僚言近歲邀功生事使無辜之民生罹其殃者京東之置弓箭社是也竊見京東西路昨於宣和四年緣西路提點刑獄梁楊祖奏請乞勸誘民戶充弓箭社繼下東路令依倣招誘若如立法之意不過使鄉民自願入社者閱習武備為禦賊之具爾如邀功生事之人唯以入社之民眾多為功厚誣朝廷督責州縣取五等之籍甲乙而次之悉驅之入社豈問其願與否也法始行於西路西路既已冒受厚賞矣於是東路憲司前後論列誕謾滋甚近者東路之奏以數計至二十四萬一千七百八人又奏續勸誘三千八百二十八人又奏武藝長優十

十一萬六千餘人並已就緒且云比之西路僅多一倍
審如所奏有被甲執兵之民數十萬按閱有方則山東
之寇何至累月淹時未見殄滅哉且私有兵器在律之
禁甚嚴今弓箭社一切兵器民皆自藏於家不幾於借
寇乎伏望斷自聖心罷京東弓箭社之名所藏兵器悉
送之官使民得免非時追呼迫脇之擾以安其生應兩
路緣弓箭社推恩者並追集改正首議之人重賜黜責
後來奏請誕謾亦乞特賜施行詔並依奏梁楊祖落職
其禁兵器令安撫司指揮逐州軍並拘收入官弓箭社
人依指揮放散 欽宗靖康元年五月九日應緣令來
事宜諸路被差兵民并守禦保甲人戶等並特免一料

支移變折及借差料一次 高宗建炎二年六月二十
七日詔福建路提刑司募少壯武勇槍杖手五千人專
一准備東南捕盜使喚數內選取事藝高強衆所推伏
或曾經調發有功之人每百人差一名部轄人先次借
補進武校尉若所部人一年別無過犯委所屬保明持
與補正所借名目或別有立到功效即隨所立功優加
爵賞令逐路曉諭所募人並不差往西北仍令逐州知
通專一指置合用器甲常切訓練教習合用錢糧令提
刑司立定則例申尚書省 八月十一日兵部尚書盧
益言近制以田括丁號為民兵亦古鄉兵之意恐州縣
奉行或過當減裂乞差官分路按察詔令逐路提刑司

按察仍具訓練招置次第申尚書省 十一月二十二日南郊赦近立法選擇民兵備禦盜賊保護鄉縣以安吾民訪聞州縣有奉行失當猾吏姦民並緣煩擾仰逐路轉運提刑官躬詣所部詢察所行次第尚有合行更易利便速具條奏若違戾初意致有煩擾去處即仰按刻以聞 三年四月八日赦應天下民庶並許置弓弩本家習學以防外患如有事藝高強許於所在州縣自陳委長吏審驗人材解發赴御營使司審議推恩 六月六日詔池州招槍杖手及忠義敢勇一萬人充控扼守禦內破用使臣日支食錢四百文米三升錢糧並從朝廷應付從知州袁植請也 閏八月十日御營使司

恭議官柳約言今修畫土豪召募民兵沿江把隘自備
錢糧器甲二百五十人承信郎四百人承節郎七百人
保義郎土豪召募民兵官給錢糧器甲五百人進義副
尉七百人進武副尉一千人承信郎以上並先與補授
如有逃亡作過等人不及數即計數多少具數申朝廷
依法行遣若所部人兵立到功效並依軍功推賞從之
四年正月一日知温州盧知原言本州召集土豪民兵
別無激勸乞給降空名官告度牒詔令禮部給降度牒
三百道二月十二日召令後召募鄉兵土豪專委守
臣召募以臣僚言近朝廷以兵不足而起鄉兵防江又
慮武藝未精從而募土豪膽勇殊不知土豪膽勇是亦

鄉兵也或者置司自行募召差守他郡非也募土豪當責守今不必監守蓋守令近而親勸以利害必欣然而從以其守鄉邦故也監司遠而疎雖多方誘之未必從以其未知所向也乞召募土豪膽勇必責守臣使各守鄉井設有是詔 七月十九日臣僚言浙江福建土豪等既立寨柵團結槍杖手及民兵內則恐迫縣道應副錢糧外則騷擾百姓要求犒設無所不至蓋緣州縣失守監司不曾巡按詔令逐路提點刑獄與提舉茶鹽官尉量繁慢分定州縣巡按為責措置如不親臨當重置典憲仍州委通判縣委知令火急措置其募死甲頭寨長所差官候過防秋別無疎虞令東所部民兵槍杖手

不曾作過即具保奏特與推息若稍有透漏違犯及官
吏用情抑配不均並當重作施行各具相度到險隘置
寨處去令提點刑獄提舉茶鹽官具以分定州縣畫圖
貼說以聞 八月九日詔諸路州縣應水陸控扼合行
把隘去處委守臣知縣召募土豪招集鄉兵捍禦把隘
如能自備錢糧器甲招到委可使喚兵及三百人把隘
二十日以上其首領仰所屬州軍開具召募人數把隘
日分保明奏聞當議叅酌各隨人數日分多寡等第補
授官資內有立到奇功忠義顯著之人即優加旌賞其
把隘土豪鄉兵並仰先期籍定姓名人數如遇緊急即
赴隘所防托仍仰所屬州縣選擇清強官躬親前去隘

所部轄即不得以把隘及辦驗姦細為名將官員面費
一例妄行阻當騷擾如違並依軍法施行仍多出文榜
於隘所并州縣分明曉示以知越州陳君錫言乞將陸
地把隘土豪正副首領從朝廷比類前項申明立定把
隘日限及占募人數量其費用隨數多寡立為賞格委
自諸州守臣占募有能於衝要處結集民兵出備糧食
置辦土俗器仗者候見結定人數令守臣選官前去點
檢見得所部人數委可使喚器仗足備即使本州一面
依朝廷立定合該官資先次給與公據照證候過防秋
保守無虞具奏正行補授若或別有立列奇功之人即
乞優異推恩故有是詔其後有旨令諸州將昨來土豪

實曾立功之人勅驗詣實保明申奏嘗議忝所推賞仍
分明出榜告諭若今來防秋或敢報怨復讐劫掠作過
並許相容隱人并奴僕同伴告首特與推賞犯人遣兵
勦殺定不招撫 九月一日詔今後並仰所屬州軍將
實有勞勩官員鄉兵土豪如目金賊立功即保明申本
路安撫司或緣盜有勞即申本路提刑司並令逐司核
實保明聞奏推恩 十月承侍郎徐端禮言自軍興以
來東南州縣糾率鄉兵捍禦盜賊官司無一毫之費若
非激賞難以勸功欲將應鄉社守隘防托去處每鄉首
領限以名數從州縣出給文憑與免身役候有勞績顯
著之人次第保明申朝廷量加爵賞從之 十一月二

十六日詔應諸路名募到土豪鄉兵各聽本州縣守令
節制 紹興五年五月十二日秘書省正字李彌正言
見存西北之兵歲久銷減乞令州郡募東南民兵教習
以壯國威禦盜賊萬一朝廷有警亦可募以調發上曰
朕自知南兵可用向有五百人皆平江府人在張俊軍
人往往率先犯陣其不可用者但未教習耳 六月二
十七日福建路安撫司言臣僚乞將福建係籍槍杖手
人悉行蠲放本司相度福建漳泉南劍汀州興化邵武
軍逐州熙寧年間因南劍州將樂縣槍杖手廖承高等
捕獲強盜賊吳笋等係提刑司奏准朝旨選棟籍定姓
名今已五十餘年元有武藝強壯之人可已老病虛縻

名籍遇有盜賊並是臨時呼集遊手之徒充數今乞依
臣僚陳請委實利便從之 六年十二月四日荆湖南
路轉運司言湖南武岡軍管下有綏寧臨岡縣創置之
時於武岡邵陽輪差鄉戶作弩手名目遠戍於彼今欲
依臣僚上言罷雇外乞就本軍量差軍兵前法沿邊二
十一縣寨分番防拓使喚從之先是三年八月十七日
臣僚言武岡軍管下三縣除依郭武岡尚存外有綏寧
臨岡兩處舊來強名為縣及寨者盡為徭人所有往者
創置之時於武岡邵陽兩縣輪差鄉戶作弩手名目遠
戍於彼及供役使今既無縣寨之實而弩手之名尚存
都頭隊長及逐處胥隸常執文引往來於兩縣之間遊

吁騷擾歲取其直每石不下二三千人民怨嗟為害甚
大理委本路監司詳究利害及更革之方條具以聞詔
令本路監司同共相度雖久可行利害具狀申尚書省
至是上言 二十六日荆湖北路經畧安撫司言湖北
路澧辰沅靖州並係接連蠻徭溪洞昨營田四州其招
置弓弩手九千九百一十人已見就緒散居邊境教習
武藝彈壓蠻夷並不請官中錢糧平常無事耕作自贍
若與緩急勾集使喚極有便利止有靖康元年內全軍
調發應援河東陷沒又遭兵火遂致死亡闕額數多今
若盡行省汰緣澧辰沅靖州並無正兵防守竊慮引惹
蠻夷觀望別致生事欲將前項四州乃弩手元額並權

行裁減立五千五百人為額內澧州五百人辰州一千
人沅州一千五百人靖州五百人依條責委知通提舉
先將堪好田土標撥措置招填訓練彈壓仍候招補足
數從本司別行相度以元申增添補所有減下人額空
閒地土並乞召人承佃出租課補助歲計委於本路邊
防財計兩便從之

先是知鼎州張魯言湖北路陽澧
辰沅靖州並係接連蠻徭溪洞去處祖宗以求各有非
置刀弩手最為得力比緣多事之際例皆闕額詔令本
路帥臣同營將闕額人數參酌舊額合與不合裁減如
令招填可以數額並新舊管刀弩手若給回田土如何
標撥若干數目仍先多方招填仍限一月條其邊防經

以可行利便聞奏至是上言

八年三月二十六日知

揚州析彥質言諸州起發弓弩手先行撥回宰臣得旨
呼楊沂中到堂商量欲朝廷應副錢物招收填闕可以
久長使用諸州弓弩手欲節次遣還之上曰甚好 二
十七年九月二十五日廣西西路經畧安撫轉運提刑
司言宜州不係團結土丁每年見納身丁米緣與團結
土丁一例輪流差在沿邊守戍合依團結土丁體例免
納從之 二十一年九月十二日准淮南運副楊杭言
高陞軍初復之初錢糧闕之無力招置兩兵防捍有主
管官秉義郎陳順忠訓郎車定方二人各於本軍界料
集團練到義兵內陳順六百餘人車定方三百餘人自

備器仗旗號錢糧更不支破官中請給其糾集到人並
是東北強壯義勇堪披帶之人皆有老小緩急可以守
禦使喚委見陳順車定方忠義可嘉詔陳順特與轉一
官車定方減三年磨勘 十一月二十七日樞密院言
嚴州起發方文煜部押到義兵三百餘人已送忠旣第
五將張耘常切教閱詔令聽張耘節制 孝宗隆興元
年八月二日詔廣西經畧安撫司先次將士丁翰竹木
上藉州縣官科需部轄人括剋堡寨官取結並日下嚴
行禁絕 二年正月二十七日兵部言契勘廣西土丁
教閱熙寧舊法一年縣教一年州教昨自元祐以來並
罷之州續紹聖三年指揮每一年在縣次年上州各以

都管指揮均作三番自十一月至正月終每月輪教一
番如散別有差情及諸般科配和雇並科違制之罪今
竊詳土丁雖每一年在縣次年上州各自十月至次年
正月教閱三月又緣分作三番止係赴教一月是致因
緣私役差情及有私需今未若照應元祐指揮免赴州
教又恐漸成廢弛今欲將州縣教閱並合住罷兩月止
於十二月赴教一月分作兩番教閱即依自來條例放
散所有命官及諸邑人私役手藝土丁並有妨教閱並
乞依私役禁軍法條斷罪從之 三月二十七日德音
敕勘會高藤雷容州土昨緣教閱月日并分番頻數是
致州縣因緣科需私役差情已降指揮住罷兩月止於

十二月赴教一月分作兩番所有諸色公人等欲掠乞
取錢物官司擅自勾抽及諸般科配私役等亦有斷罪
指揮條法非不詳備慮州縣尚爾循習科擾有失朝
廷寬恤之意仰本路監司常切覺察如有違例去處按
劾以聞當議重寘典憲 十二月十日德音赦楚豫濠
廬光州盱眙光化軍管內并揚成西和州襄陽德安府
信陽高陸軍應州縣土豪并山水寨首領自備錢糧料
集鄉兵把截關隘或曾戰鬪或能保護鄉井有功者仰
逐州軍守臣開具保明委帥臣並司覆實申尚書省取
旨推恩 乾道元年四月四日知德慶府莫廷秀言二
廣諸州多與江西接壤江西之民以興販私茶鹽為業

劫殺平民而二廣諸州軍兵孱弱惟賴土豪號曰統率者聚其保伍以遏絕之然其間百姓有以死戰而不見恤統率保全州縣而無以賞功望行下二廣諸州或有百姓身死於戰兼統率能阻遏賊勢保全州縣者所屬保明申朝廷推賞從之十一月七日權知荆門軍程述言湖北荆門軍等處屬緣疆場有興從權制宜團結丁壯或號義勇或號強壯防秋之際追集訓勵以備不虞今鄰國修好並邊解嚴望戒勅湖北諸州軍應先團結民兵之類非因邊事不得分番追集以守祀教閱為名詔依籍定姓名並各放散二年正月二十四日殿中侍御史張之綱言二廣有土丁保丁之法保丁則每

戶一名土丁則父子兄弟皆在其數常以十月一日聚而教閱于州縣盡十二月而後罷姦吏舞法循習為弊拘留重役盡正月而不得去其為民害大矣望一切罷去不得循習別致勞擾詔令廣南東西路經畧安撫司行下諸州如有似此去處並日下放散今後不得依前違擾 三月二日臣僚言金州等處以農夫戶口差科役使名曰保勝每一家二丁則取一丁四丁五丁則取二丁三丁名曰義士均州亦曰保勝科取注籍則州縣主之至於差撥役使乃係統兵官如金州洋州則係都統司均州則係管內安撫司州縣不得治之迺年役使未嘗少息乞行下利路均州等處應有科役保勝義士

者一切放免詔依令京西安撫司並日下放散更有似此去處依此 九月十三日詔廣西一路筦宜融等州土丁籍定姓名年甲專統土丁年至五十即行揀汰則選戶丁承替每歲遇農隙祇於逐鄉便處各置教場春秋二次如法教習候武藝精熟即便放散從知潯州朱師孟之請也 三年十二月十八日宰執進呈主管淮南西路安撫司公事胡昉乞將淮西總首與補正一資庶幾激勸上曰且令帥司借補俟二年却申朝廷補正蔣希奏胡昉之言謂前此諸人受帥司借補名目甚眾不以為重須朝廷與補乃可使之欣慕上曰五百餘人如何盡補可令胡昉具前此立功已借補人申朝廷其

未經借補者可徑令帥司借補一資 同日胡昉言乞
將本路籍定萬弩手之家依元降指揮並與免戶下三
百畝稅賦不唯用以激勸庶幾緩急樂於用命從之
四年正月五日前知荆南湖北路安撫使王炎言荆南
團結義勇民兵取會得荆南七縣主客佃戶共管四萬
二千二十戶丁口計一十餘萬除官戶并當差役人外
淨得八千四百一十九人若調集團教之際使之自備
食用必不能辦乞截留苗府苗米一萬四千石又乞漕
司應副錢二萬貫充日支錢米自十月起發每為三番
每教一月即放重給弓弩與總首伴民暇日從便閱習
不得追擾又於鄂州都統司闕支弓一千五百張箭五

萬隻於內選願為弓弩手者悉給以弓弩官箭仍加旗
幟金鼓盡出於官民無毫髮之費又於都統司關甲三
千副三番輪教志是全裝若更蒙支降衣甲二三千副
即上流創添此一軍遲以數年更行蒐補可得萬人若
比之所養官軍利害豈不較然易見乞下湖北安撫司
日後每於農隙月日輪番教閱及下總領所轉運司支
降每年本府苗米歲計錢毋得違闕從之 二十七日
四川宣撫使虞允文言興元府一帶義士人材可用一
面委晁公武拘收人丁并尋訪陝西弓箭手舊法乃得
之瀘州蓋祖宗朝所頒降也重加看詳凡一百四十一
條分十三門為一書敢編錄為冊上進竊詳興洋之間

在紹聖初義士係籍者以七萬計紹興三十一年大散
關之戰大將不授以甲驅之使在官軍之前死損逃亡
之後僅存六十餘人今公武所籍興元之丁增至一萬
六千四百三十四人合洋州西縣三千七百八十九人
有真符一縣拘籍未到 大安軍一千七百六十八人共

二萬三千九百八十一人見已結成隊伍其金房階成
西和鳳興州亦用結保社守鄉村防姦盜為名重加整
治約亦可得三萬人有家屬物業各有願籍人自為死
其為用過於官軍而風聲氣俗皆薄陝服之舊安於弓
箭手之良法舊係官給田故其法從重今義士等私田
止免家業錢所立法皆從輕絕增募之擾歲可免六七

百萬之費而獲四五萬人之用其為便利甚明乞付有司早賜頒降施行詔依仍先次施行

照得興元義士

自紹興初團結之後獲其死力居多兵火後舊制不存比年調發隸屬諸軍兵官不給衣甲技之无地始不聊生然興元梁洋之民素號驍勇實可濟事若為專法禁止私役分隸然終必著成功謹以陝西弓箭箭手條格擬定成法為永久之利一措置將新舊係丁揀選每兩丁三丁揀一丁四丁五丁揀兩丁六丁七丁揀三丁選少壯堪充義士之人團結每戶免家業錢二百貫非泛科率今欲乞除常賦外義士長行每戶依舊與免家業錢一百五十貫不及實免擁隊一百七十貫隊官二百

請上科釋外與免本戶差役言取義士一名戶下元管
家業錢三百貫除免二百一貫外其免不盡外數即合
依舊差科 一即今見管義士人數欲依將兵例團結
隊伍每六十五人為一隊推服管隊一名火頭五名仍
於數內揀習神臂弓手并平射弓手及甲軍槍手仍官
為置教閱弓箭手槍旗訓練如遇調發每人日破口食
米二升半回軍日止其行軍犒賞帶甲等錢並許依正
軍例一等支破 一如遇調發計從安撫司踏逐選官
統押申聽安撫司分撥使喚其御前諸軍統兵官不得
干預 一遂州知州專一提舉義士知縣兼義士軍正
縣尉兼軍副非因調發輒差使義士者乞依私役禁軍

法 一義士若追集教習有妨農務今欲且令各在鄉舍教習武藝隸屬本路安撫司本司遇農隙自十一月一日追集生疎人教習至十二月二十日放散若武藝精熟逐旋發歸及一月以上人量破口食 一遇有緩急其軍行所須什物器械衣甲自合官給事宰息日並納本路安撫司收管 一義士內有願充馬軍之人並聽內願自備馬草料乞請官馬即從軍給如一就自備即與於己免家業上更免錢三十貫遇調發官破草料器甲依步軍並從官給 一義士依効用法補轉其陣亡士恩例自有條格緣措置之初多是白身欲乞應陣亡內白身人除依例合得贈絹三尺外更與補進勇副尉

恩澤一名及因調撥在軍前病患身亡之人與免戶下

三年稅賦科役 一今來措置與免戶下家業科役專

一非備緩急出戰守把關隘與陝西弓箭手利害一同

欲乞依陝西弓箭手許行承籍 一除興元府洋州外

有興州大安軍等處義士金房州保勝階成西和鳳州

忠義軍乞依洋州今來興元府義士一體施行 一今

來措置義士比陝西弓箭手條擬到專法將教令格式

隨門類總入項內乞以義士專法為名行下 二月四

日荆湖北路轉運判官程迕言澧辰沅靖四州弓箭手

乞下本路安撫司且以裁減定三千人為額委各州守

守臣限以一年招募數足將舊管田畝今係外人請佃

數多者於內分數次第撥與所招募到人以時訓練如
守臣於限內招募撥田數足乞與優異陞擢或與轉官
詔依內逐州刀弩手田畝如元係人戶納錢承買之數
即於一般係官田內對數標撥 四月二十九日淮南
轉運副使沈復言沿邊之民豈無強壯之人官司無糧
以給終不能統集欲將舒蘄州有義倉常平等米椿留
外皆發赴無爲廬江巢縣等處緩急之際給散強壯之
人有以聚之然後可役從之 八月二日尚書省言欲
令諸路州縣如強盜竊發總首保正鄉豪之家能率眾
捕獲第其勞効從州縣次第申帥師保明奏聞與優補
官資從之 十一月四日詔令兩淮守臣以戶口多寡

於三丁取其強壯者一名籍為義兵於農隙教閱自十
月為頭正月終放散每人日支破錢一百文米二升總
首日支錢二百文米三升合用錢米於合發赴戶部窠
名內取撥一半諸州軍於係省錢米內自認一半應副
支遣 五年正月二十七日詔舒州駐泊兵馬都監專
一充教閱民兵撥發官孫嗃令本官再任依舊專一充
民兵等訓練撥發官以淮西總管李橫言嗃教閱以來
事皆躬親故也 三月十二日四川宣撫使虞允文言
興元府洋州大安軍興州見管義士二萬六千一百四
十人結成隊伍見委利州東路總管皇甫倜訓練已見
成效乞就移皇甫倜於興元府駐紮專一教閱遂州義

士准備緩急使喚從之 四月二十五日樞密院言得
旨令沿江十州軍措置團集兵民未有立定日限詔令
遠處守臣限兩月相度條具經久可行利便務在著實
奉行毋致擾民間具申樞密院俟條具到聽候指揮方
得點集 九月八日措置兩淮官田徐子寅言得旨於
農隙時官支錢米將本路諸州軍已藉山水寨伍民兵
應三丁以上主戶選取壯丁赴州教閱一月今相度欲
令諸州軍自十月十五日拘集民兵上教至十一月初
五日住教仍每日於辰時未時兩教如遇雨雪權免所
教民兵本司差官比較拍試武藝精熟之人令州軍優
與犒賞謂如射箭上帖每隻支犒錢一貫文省中紅心

每隻支犒錢二貫文省槍手刺羸者每人支犒錢三百
文省所有合用錢物乞依已降指揮於合發赴戶寨名
并本州軍係省錢未內各取一半應副支散從之十
一月一日知荆南充制湖北路安撫使劉珙言荆門軍
昨來團結到強壯民兵三千餘人並係自備錢米器械
赴軍教習今除節次抵替逃亡事故外且以三千四百
五十人為則分作三番追教每番一月放散每人每日
官給米二升錢三百文足三番計合用錢四千三十二
貫一百九十文省米二千七十石并有合用衣甲櫓刀
弓弩器械緣本軍係省關乏照得荆南路州縣義勇每
遇農隙追集赴教衣甲器械盡是官給日支錢米今來

荆門軍事體一同既使教閱軍陣却令自辦器械自備
裹糧委是經久不便已於本司甲仗庫見管衣甲軍器
內量行分撥及那融錢米權行應副外欲望令本路轉
運司貼撥應副日後年分亦乞依此應副從之 六年

二月三日措置兩淮官田許子中言萬弩手當立二千
人之額只就鄉社教閱從之 子中內殿奏事上問萬

弩手營寨招集起如何子中奏云恐未便淮東有千四
百人淮西已申到千六百餘人大率皆當立二千人之
額計日支錢三百文米三升約一歲當用二十五萬
緡當犒射親之類又須用五萬緡若今年集起苟財賦
不給却從放散一旦再行結集恐失信招之不再來徒

候事又淮西地里濶遠不比淮東遠不過三五日人尚不便之淮西動或半月程寧不為擾上曰朕不惜錢放之則不若養之若放之既不集將何以教閱之子中云臣欲就鄉社教閱且如團結保甲亦欲混為一區而教閱上問恐人不用心子中奏云臣當以術激勵之使人各務精於武藝上曰其術如何子中答云臣欲先三令五申之約總首團寨長告報於農務少閒相率為挽彊踴躍并習擊刺至農隙之際先期行下今團總指日告報結集於縣中俟臣之至教閱三月取武藝精熟射屢中的擊刺雄捷者即時放散收惰慢不精熟者率而赴州依年例教三月有能於州中兼晝夜有力隨取其

精者隨放之如是則民不受擾耕不失業習兵而不遠去其家不勸而相率自習其藝上稱善久之退回乞置萬弩營寨劄子令別條具更不拘集從所請就鄉社教

閱二十八日四川宣撫使王炎言欲將大安軍義士只就鄉村自行教閱令安撫司依時差官前去就本軍點摘按試所習武藝有無精熟所有興元洋州義士亦乞一體施行從之三十日劉珙言京西湖北兩路民兵條具如後一訪聞諸郡起籍民兵其間有上三等戶取義勇一人亦有四等五等戶者亦取義勇一人凡家產多者可以技梧若家產少者往往棄產遁逃欲乞應充義勇並與免非泛科役有身丁錢處與免身丁錢

其第四等戶除非泛科役外更與免差保正及大小保
正五等人戶除免應于科差外更與量免三分或二分
稅役總首部將係是部轄之人一縣通不滿十數人乞
與免保正長差徒 一訪聞諸郡多將合作總首之人
與陞作統制統領往往擅差民兵分番當直不受縣官
號令欲乞每郡只許選見任待闕武臣一兩員遇教閱
之際俾充訓練官教罷則不復相隸不得輪差民兵當
直各縣只選有物力材武為衆所推服者作正副總首
不得稱統制統領緩急調發方許帥司差官統之庶免
騷擾之患 一訪聞諸郡民兵結隊亦如正軍簡選結
集民兵散處村落鄉分不同若非正軍同一營寨只合

隨鄉結隊每七十五人為一隊五十人正軍十人准備帶甲十五人輜重火頭有零數則作畸零隊 一訪聞諸郡向來民兵教閱其糧食多令自備人尤以為苦若盡令總漕司應付竊恐侵損歲計契勘京西湖北皆有屯營田穀斛民兵每人合日給米二升半錢五十文省一月計之米七斗五升錢一貫五百文省穀每石可得米四斗為錢可準一貫省若每歲於營屯田穀內據人數分撥所用亦不至多 一訪聞諸郡民兵弓弩櫓刀箭鑿之屬並令民間自備平居教閱且不中用况欲出戰豈不誤事近四川宣撫使司已發到三千副僅可以應荆荆南及荆門兩處京西已蒙支撥器甲二千餘副

其少數尚多望支降數千副應副使用詔並依內器甲
令趙樽於諸軍退下舊甲內挪融五千副付湖北安撫
司應副兩路兵民使用如尚闕少即更於湖北路州軍
見教閱禁軍甲內取撥却令本處依教補造 五月十
六日詔淮東萬弩手令本路安撫司行下諸州軍候秋
成了日依淮西路一體教閱施行 十月六日淮南東
路安撫司言臣僚乞淮東萬弩手二千餘人昨在真州
置司教閱已給假時暫歸農望許令淮東帥司一就拘
收不妨農務教閱所合用器甲之類乞賜給降仍乞於
農隙時官支錢米與民兵一體教閱二十日即便放散
詔依其器甲委自安撫司相度據闕少數隨宜措置製

造 二十八日淮南東路安撫使晁公武言揚州民兵
素號驍捷若教閱有方必堪使用緣未曾立定賞格無
以激勸欲將利州路義士條法降下安撫司以憑徧行
諸州遵依施行庶幾有以激勸詔依令戶部繕寫給行
七年正月二十五日權知荊門軍馮忠嘉言教閱本軍
義勇三千四百人增補得三百人又勸諭有馬人戶為
馬軍得馬四百匹分為六隊見今上戶有力之家情願
買馬以充馬軍除已將馬軍日給以草外有馬料一色
本軍所入微細不能辦集望給以五分之料教之百日
不過千石詔令湖廣總領所應副五分馬料百一日所
有養戶馬之家免本戶非泛差使科擾之類其馮忠嘉

勸諭到戶馬同義勇教閱及製造軍器有勞可除直秘
閣兼湖南北兩淮諸州軍守臣照會 六月十二日知

廬州趙善俊言昨來招置萬弩手効用係作神勁一軍
至乾道元年籍定姓名放令歸耕本司管下州軍所管
共一千八百三十一人其人既經訓練及熟行伍不復
留意農務今若依前召募充萬弩手必欣然聽從是一
日之間而得二千彊壯已習武藝之人乞盡數根刷發
赴廬州依舊以神勁軍為額差諳練兵官一員教閱自
八月下旬赴本司至二月上旬放散從之 八月十四
日詔兩淮州軍民戶既將一丁充民兵其有本名丁錢
可與蠲免 八年五月二十六日詔荆門軍解發到義

勇總首王昇副總首孫奇訓教發馬紳已依元解發弓
弩斗力試驗合格王昇特與補進義副尉孫奇馬紳各
特與補守闕進勇副尉 六月一日詔淮東淮西兩路
并沿江諸州民兵及兩淮萬弩手每歲農隙拘集教閱
其間有武藝超越之人令逐路帥司行下所部州軍自
今歲為始將所教民兵及萬弩手遇教閱月選擇能步
射一石四斗力弓踏三石五斗力弩馬上直背射一石
力弓各應法人材智勇可以伏眾解赴本司拍試其姓
名事藝保明申三省樞密院以憑抽摘覆試推恩 七
月十八日措置兩淮官田徐子寅言淮東諸山水寨并
諸州民兵總首首領內有一寨止管民兵三四十名而

總首首領三四名者若一例補校名目誠恐泛濫欲每
縣選差總首一名特與補一名目諸寨應管轄閱習忠
勇民兵每一百人者置首領一名特與借補一名目如
一寨不及百人者許令更行勸募候人數足者方與推
恩總首首領并忠勇民兵並與免戶下科數差使如遇
緩急使喚官給錢米以贍其家欲每遇拍試民兵官將
十二箭全上帖者特與借補闕守進勇副尉候立到新
功日補正詔依總首與補進義副尉首領令本路安撫
司借補守闕進勇副尉

繼而知廬州趙善俊言兩淮之

民無非可用之兵且以一縣為言大縣民兵之強壯者
可籍五百人下縣不下三四百人今一縣擇總首一名

素為強壯所推服者借補爵命以充統領又擇總首能
統率強壯者二人借補以為正副將五十人置隊將一
名亦是隨省借補五人為伍每二十五人則置隊將一
人使居鄉井遇閑暇之時從便教閱以習射刀槍為殿
最歲終帥司差官逐縣校試如統領果能統率本籍定
人數教閱有方明習戰陣即先補一資如後來教閱日
久武藝精熟緩急委是可用則補正承信郎正副隊將
亦如之其軍伍中能自奮發騎射刀鎗精熟出眾者亦
與借補以次選遷仍以義勝右軍並聽帥臣節制緩急
從帥臣調發淮西一路緩急之際得勝兵五萬人今俱
借補統領等官資及軍器賞格如後借補總首充統領

等官資統領先借補承信郎教閱有方一年先補一資
後來所統民兵武藝精熟即補正承信郎正副將先借
補進武校尉教閱有方一年先借補承信郎次年統帥
所管兵民武藝精熟即補一資隊將先借補進義校尉
一年借補進武校尉次年補一資且以五百為一軍合
用軍器數目乞從朝廷給降弩手一百人槍刀二百人
弓箭手二百人每遇差官按試犒賞統額錢一貫正副
將錢七百隊將錢五百隊身錢三百中紅心錢五百帖
錢三百採錢一百鎰比類弓箭詔並依淮東路已得指
揮施行十一月二日權發遣利州崔淵上言論興元
府洋州等處義士乞加存恤上曰百姓肯出力為國如

何不愛恤於是詔令四川宣撫司詳在淵所奏事理施行

淵上言伏見蜀北偏在一隅與閩隴相接故近西之民皆英氣奮發剛健敢勇異時陝西諸路有所謂弓箭手者皆民兵也今興元府洋州等處有義士亦皆弓箭手之意也紹興初饒風之戰散關之捷義士宣勞與戰士功力相等朝廷不知至壬午之戰原州鞏州之舉肝膽塗地皆義士也前此一二帥臣再加葺治凡民戶一家之產官計其贏名曰家業錢為義士則免之一身之役官籍其年名曰身丁錢者為義士則免之以至遷補有次率飲有苛私沒有禁比年以來浸以墮弛或多張家業之數抑勒不均或根剝餘丁之人更行差補或

拘充白直接送嚴家或課其工程修造第宅或農隙點
集非錢則有留難之憂或照集書名非錢則有漏落之
患以至誅求有常刑公參有定價屈抑士氣虧損邊防
不知緩急何以使之懸下本路監司帥臣檢照前後義
士指揮將違戾去處嚴行核治仍立罪賞書為殿最求
為後日之用 十二月二十三日詔兩淮民兵自乾道
九年為始農隙日拘閱教集一月放散每人日支錢一
百文米二升半 九年閏正月十四日臣僚言訪聞淮
西運司見今拘集本路民兵方農事將興久留城市深
可憐憫望日下放散候農隙日教閱一月從之 九月
一日知荆南府葉衡言荆襄兩路民兵緣前年荒旱民

力未蕪乞令各在家閱習武藝候至來年春略行追喚
武藝精強人赴州等第犒設以激勸其餘所有年例教
閱候至來冬別聽指揮從之 十月八日樞密院言湖
北江西昨團結民兵差置總首專責捕盜近來不申官
司擅自捕人及出別州縣界生事騷擾詔令總首隊長
須聽捕盜官及縣道約束除正賊外不得擅自捕人或
當會保伍及出界捕逐盜賊即於官司出給文引報所
在去處方許前去

大典卷八
千三百五